

**PEMBERITAHUAN PERTANYAAN BUKAN LISAN
MESYUARAT KEDUA, PENGGAL KETIGA,
PARLIMEN KEEMPAT BELAS
DEWAN RAKYAT**

PERTANYAAN : BUKAN LISAN

**DARIPADA : YB DATO' SRI HAJI ABDUL HADI BIN AWANG
[MARANG]**

SOALAN

YB DATO' SRI HAJI ABDUL HADI BIN AWANG [MARANG] minta **PERDANA MENTERI** menyatakan apakah hasrat Kementerian untuk mempertimbangkan Akta Anti Berita Tidak Benar diperkenalkan semula bagi membendung gejala penyebaran berita palsu khususnya di media sosial.

**JAWAPAN [YB DATO' TAKIYUDDIN BIN HASSAN, MENTERI DI
JABATAN PERDANA MENTERI (PARLIMEN DAN
UNDANG-UNDANG)**

Tuan Yang di-Pertua,

Untuk makluman Ahli Yang Berhormat, walaupun Akta Antiberita Tidak Benar 2018 [*Akta 803*] telah dimansuhkan oleh Akta Antiberita Tidak Benar (Pemansuhan) 2020 [*Akta 825*] yang diwartakan pada 30 Januari 2020, Mahkamah mempunyai budi bicara untuk menentukan kesalahan berita palsu, laporan palsu dan penyalahgunaan media sosial yang akan dituduh menurut undang-undang sedia ada seperti Kanun Keseksaan [*Akta 574*] dan Akta Komunikasi dan Multimedia 1998 [*Akta 588*].

Berkaitan dengan cadangan untuk memperkenalkan semula Akta Antiberita Tidak Benar 2018, perlu diberi penelitian dari semua aspek termasuk keperluan rakyat dan perundangan bagi mengelakkan isu pertindihan fungsi dengan mekanisme sedia ada yang dilaksanakan Kerajaan untuk mengawal berita tidak benar pada ketika ini. Juga

NO. SOALAN : 5

implikasi perundangan terhadap peruntukan sedia ada dalam Akta-akta yang sedang berkuatkuasa. Selain itu, pertimbangan Kerajaan juga wajar memfokus kepada semak dan imbang (*check and balance*) antara pelaksanaan instrumen perundangan dan pendekatan bukan punitif bagi maksud membendung penularan berita tidak benar.

Kerajaan telah melaksanakan pelbagai inisiatif melalui Kementerian/Jabatan/Agensi seperti Kementerian Komunikasi dan Multimedia Malaysia serta Suruhanjaya Komunikasi Multimedia Malaysia untuk menangani penularan berita tidak benar. Pelbagai bahan penyampaian maklumat juga digunakan seperti video, kapsul dan infografik kesedaran awam dan langkah-langkah pencegahan dalam pelbagai bahasa. Antaranya melalui portal Sebenarnya.my dan kempen #myviralvow dijalankan sejak tahun 2017 untuk mendidik warganet supaya lebih cakna dalam penggunaan Internet. Inisiatif-inisiatif ini menyokong aspirasi Kerajaan untuk memastikan masyarakat mendapat berita dan maklumat yang sahih, ditentusahkan dan terkini.

Sekian, terima kasih.